

年失學及長從義塾受業帶經而鋤怡如也常夏日從事菜圃夜分無燭以香爇火照讀終成名士設帳鄉里遠近聞者多負笈從遊焉後以其父罹目疾乃於授讀之暇研極醫術遂使父目復明因而醫名大噪馳聞遐邇遂由名士而成名醫懸壺五十餘年壽八十四而終所遺方脈甚多今具存其甥王書奧家云

晉縣志料

卷下

著述志

一

晉縣修志局編印

著述志

經部

周易義

六卷

唐魏徵撰

徵字玄成城南表業人官侍中封鄭國公謚文貞

通志周易義六卷魏徵撰書內容未詳

易學淺說

二卷

清楊宣驊撰

宣驊字鐵帆樓底人道光進士學宗陽明知行合一

易之為道詞意深邃世人每苦難解是書以平易之旨註釋經義令人一覽即解誠為後學讀易津梁也

易說纂要

清苑世亨撰

世亨字仲嘉號竹軒龍頭人道光舉人工詩詞善屬文

見舊志卷數及內容均未詳

周易析薪 清楊 亶 撰

亶 駢字翼垣樓底人恩貢生

見舊志卷數及內容均未詳

右易類

書經箋註 清紀 從 龍 著

從龍字雲生耿莊人康熙乙未歲貢生

書經輯解 清楊 亶 撰

亶 駢事略詳前書內容卷數不詳

尚書今文解 清苑 世 亨 撰

世亨事略詳前書內容卷數不詳

右書類

說詩存序 清苑 世 亨 撰

晉縣志料

卷下 著述志

二

晉縣修志局編印

世亨事略詳前書內容卷數不詳

二分竹屋詩說 清楊 亶 撰

亶 駢事略詳前書內容不詳

右詩類

次禮記 唐魏 徵 撰

魏公事略詳前

見唐書藝文志唐志註亦曰類禮舊唐書魏徵以戴聖禮記編次不倫遂為類禮

二十卷朱子曰魏徵以小戴禮綜彙不倫更作類禮二十篇

禮記易知錄 清苑 世 亨 撰

世亨事略詳前書內容不詳

右禮類禮記之屬

類儀 一卷 唐魏 徵 撰

見通志略儀註禮儀類

大唐儀禮 一百卷 唐魏徵撰

見新唐書舊志內容未詳或即類儀歟

右禮類儀禮之屬

春秋辨左 十六卷 清苑世亨撰

世亨字仲嘉龍頭人

自序云『昔孟子論治亂曰春秋天子之事論存幾希曰詩亡然後春秋作是孔子所以上承羣聖者其事莫重於春秋也邇來學者但知有傳不知有經凡仲尼筆則筆削則削所為惇典而庸禮撥亂而反正者茫然不解其何謂而直以左傳為讀春秋也夫左氏多誣人亦知之知之而弗辨之將以傳之不可信者皆奉為不刊之論是學春秋者直為左氏所愚也 亨 憶垂髫時承先君子徽典公授以春秋聞者多竊笑之以為讀左而已經胡為者先君子不以為然謂天下豈有不讀經

晉縣志料

卷下 著述志

三

晉縣修志局編印

而讀傳者耶 亨 既長承先君子口講指畫使得潛心經術以明厥大義者又不啻二十餘年故 亨 訓蒙之暇述古紹先著有四書參思辨錄說詩存序禮解會一等書質之同人每相許可今計前後生徒百餘人矣其為窮經術也者左氏叙事詳明不可不讀其為務舉業也者左氏文詞富麗又不可不讀用是選擇之講說之人讀左我亦讀左人不讀經而讀左我則先解經而後讀左人讀左而不知辨則為傳所愚我讀左而別其謬正其訛則不為傳所誤博覽先儒舊說擇其要折其衷既以辨左亦以明經朝思夕寫閱四秋而成書學者而研經也可因吾說而知其要學者而讀傳也可抄錄吾說以為讀左之善本也然則 亨 今日所以訓蒙猶是先君子所以訓 亨 之意也夫 『是書之內容序盡之矣惜書未出版僅生徒交相傳抄以至今日也

右春秋類

孝經 一卷 唐魏克己撰

克已隋著作郎魏澹孫也有詞學書戴舊志內容不詳

右孝經類

古本大學輯解

二卷

清楊宣驊撰

宣驊事詳前書為定州王氏刊本內容詳自序中

自序云自今本大學列於四子書而孔門相傳之原本不著於世久矣怙括家非傍朱子門戶無以博科第訓詁家如大全摘要等書漢牛充棟非襲朱說將視為覆瓿物無以傳世而貌榮名朱子章句誠多精詣而一家之言豈盡合聖賢之指况改二千五百餘年之成書斷以己見理雖可見說究無據且前此有二程子改本後此有王氏柏蔡氏清高氏攀龍葛氏寅亮季氏本豐氏坊改本紛紛異說何去何從不獨禮家聚訟矣漢註雖疏而原本非偽間以語人未免少見多怪故世所傳大學本皆朱門之書非孔門原書也伏讀欽定禮記義特存古本以朱子章句與鄭孔同列註四庫全書所收朱子以後說大學之書仍有用古本者亦有不

晉縣志料

卷下

著述志

四

晉縣修志局編印

以今本說為是而辨其失者據此見大學一書仍當以孔門之書為定本矣前明王文成公著大學或問發明古本義指精當上於至善以親民而明其明德一語提綱挈領得聖賢嫡傳格物之義訓物為事訓格為正正其不正者去惡之謂也歸於正者為善之謂也故曰無善無惡心之惻有善有惡意之動知善知惡是致知為善去惡是格物傳習錄一書概以遏欲相警切而猶未正言格物之為去欲也至國朝錢毛氏先舒格物說出而格致之義始定定興鹿太常善繼容城孫徵君奇逢說約近指兩書於大學義蘊闡發精透而章次仍襲今本安溪李氏光地著古本說少所發明以知止節為立志存心端本之事小學大學承接之關要抒其獨見實非確解惟近世任邱邊氏廷英古本大學說以中庸自明誠之義為說求之全書無不脗合解正修章尤足破諸說之誣鄉先輩王氏定柱著大學臆古義理賅實間見層出今輯此書據邊氏王氏之說而以說約近指精義實之格物從毛氏訓全書大旨則專宗陽明間以管見疏明俾學者因此覩孔門之書學孔門

之學而訾餘姚為近禪者破除夙見度不致株守一家之說而失於支離也夫
中庸本解 二卷 清楊宣驊撰

宣驊事詳前 書內容詳自序中

自序云予自髫年入塾讀四子書論孟經父師口授必逐句索解誦讀時求之於心亦有自得其解者惟中庸一書則懵然不知所解稍長讀朱子章句博覽匯參諸講本鑽研有年終不甚解操筆為文不過恪遵章句人云亦云從性理諸書襲其字句從諸家制義掇取餘潘以前人之解為解雖幸掇科名而其不解者自若行年及壯罷居林下以筆耕為事間考註疏中中庸原解始知朱子章句更其解者過半解之得矢未辨也潛心玩索偶於白文得解參之章句則反不解時於章句求解質之白文又多不解旁徵或問語類諸書解說愈繁而益增懵懂迨其後盡捐成說咀味白文恍然若得其解積之二十餘年觀李安溪中庸章段鄉先輩王蕉園中庸臆測任邱邊育之中庸說皆不盡沿舊解而各有真解諸家之解與

晉縣志料

卷下 著述志

五

晉縣修志局編印

予之所解不無異同然一知半解固二十餘年所止解也心解之解以白文解白文中庸之本解也間用漢宋元明諸書儒及國朝諸家之解但不謬於白文亦中庸之本解也乙丑秋七月家居無事隨解隨錄書成名之曰本解客有嘲予者曰讀書為舉業計子以不解得第何必索甚解哉予應之曰唯唯否否

四書箋註

清紀從龍著

四書參思辨錄

清苑世亨撰

世亨事詳前書見舊志內容未詳

右四書類

史部

魏書 一百十四卷

北齊魏收撰

收字伯起官至尚書右僕射謚文貞

四庫全書提要收表上其書凡十二紀九十二列傳分為一百三十卷今所行本

為宋劉恕范祖禹等所校定

後魏書 九十二卷 隋魏澹撰

澹字彥深官著作郎太子學士

隋書及北史本傳高祖以魏收所撰書褒貶失寔平繪為中興書事不論序詔澹別成魏史澹自道武下及恭帝為十二紀七十八傳別為史論及例各一卷合九十二卷義例與魏收多所不同所著書甚簡要上覽而善之隋經籍志作百卷唐

藝文志作一百七卷

續北魏書 十卷 唐魏克己撰

魏志 十五卷 唐魏克己撰

克己著作郎澹孫書見舊志內容不詳

隋書 八十五卷 唐魏徵等撰

魏公詳經部

晉縣志料

卷下 著述志

六

晉縣修志局編印

四庫全書提要貞觀三年詔徵等修隋史十年成紀傳五十五卷

右正史類

魏紀 十二卷 隋魏澹撰

澹事略詳前書見唐書藝文志

唐文宗實錄 四十卷 唐魏謩等撰

謩字申之鄭公五世孫官檢校尚書右僕射

書見新唐書藝文志

歷代通鑑輯覽增解 民國李翰如撰

翰如字驥程東留章人清光緒乙酉拔貢

書凡十六卷未付梓註釋詳明講解簡當最便初學

右編年類

晉書 北齊魏長賢撰

長賢光州刺史彥子博涉經史詞藻清華官終上党屯留令繼父志撰晉書若干卷見舊志

後魏書紀 一卷 隋魏澹撰

澹詳前書見宋史藝文志註云本七卷

右別史類

時務策 五卷 唐魏徵撰

見唐書藝文志

右奏議類

自古諸侯王善惡錄 二卷 唐魏徵撰

見唐書藝文志

祥瑞錄 十卷 唐魏徵撰

見唐書藝文志

晉縣志料

卷下

著述志

七

晉縣修志局編印

列女傳略 七卷 唐魏徵撰

見唐書藝文志

隋靖列傳 一卷 唐魏徵撰

見宋史藝文志

右史鈔類

小補晉州志 一卷 清張維藩撰

維藩字介人東寺呂人歲貢生

舊志維藩慨晉志上自康熙下迨咸豐百七十年未嘗修輯謁州牧請修志未逮乃銳意蒐羅遺事彙為一卷題曰小補晉州志

晉縣鄉土志 二卷 氏國李翰如撰

李先生事詳前

是書凡兩次出版均為石印內容乃先生以科學方法編晉志為教科書以便初

歷代修志人員提名錄

明宏治間知州孫玘學博章經創修

隆慶間知州趙翰學博姜賓周重修

萬曆初甲戌知州容若玉續修

庠士張胤壯等詮次

清康熙十四年乙卯知州郭建章倡修

廩生關永清編次

學博程思恭進士紀灃參訂

廩生楊文燦呂叶瑞採訪

康熙二十九年庚午知州陳祖法裁定

學博鄭維一戴君錫鄉紳韓鏡張雲程呂棻關永清諸生呂叶瑞楊劫張鏡劉鐸

全修

晉縣志料

卷下 提名錄

一

晉縣修志局編印

康熙三十九年庚辰知州康如璉續修

廩生劉士麟纂輯

民國十四年乙丑縣長孟昭章倡修

局長李翰如纂輯

副局長呂朝北趙樹德參訂

編輯員劉宅鳳張夢齡宿英燕王召棠呂邦憲崔治邦秦棫樸

採訪員李金章李彭年韓之錦魏廷俊楊鐸劉炳文尹鳳翥李襄琴李鏡蓉王桂

庵鄭獲鶚呂蘊昌曹介臣王道修王鳳岡周運新崔汝梅周日庠茹清瑞袁丕基

秦茂林張峻德孫夢麟彭述蘇士元張瑩潔

會計馮夢齡

司書甯簡楊海張履謙李秉公李冠英李冠雄王樹樺

晉縣志料跋

吾晉縣志年久失脩民十五乃始成於余先大父之手茲志成後早已風行當世不脛而走吾縣文化賴以不朽余曩為縣志司書晉縣志稿抄錄幾遍及錄晉縣志跋即屢囑^英曰今日修志汝為錄事後年重脩或為編輯或因或革不致太費手續切勿更易體裁致過難也嗚呼音容已渺言猶在耳何其言之預也民二十河北省通志館成立省令頻頒勒索志料於是年七月間劉前縣長東藩乃委教育局長彭君錦心為局長總理一切委^英為副局長襄助局務以王君紹棠為編輯主任吳君廷俊張君其祿宿君慶斌等為編輯員李君金章為採訪員五區區長張君其祥邵君桂山蘇君澤生紀君清明馮君錫鉞等為調查員開局纂修志料以備採用成立以來屢遭軍隊駐境未克進行迄民國二十一年九月志料始成^英負校閱之責得睹全豹方知斯志之成遵照省頒門類與前志迥不相同體裁又為之一新嗟夫潮流所趨日異月新澎湃之氣一日千里實無可如何並非敢污巖倫常弁髮理義也雖

晉縣志料

卷下

晉縣修志局編印

然先志成憲幡然一變而先大父創脩時直今天地人物四大門別開生面另設增附各類諸細端採取周詳立意之新奇編脩之苦心對於文化事業不為無功對於吾縣文獻更堪稱不朽讀其志者詳加評閱自有千秋此則不待言者今者斯志又成較諸先志雖稱簡畧而尤能詳其所未詳盡其所未能盡各具專長均有可取直可並駕齊驅無相上下舍一而弗取者無目也深望後之為志者萬勿巖視舊志置之不顧而妄加評論也特編錄歷次修志人員題名錄附錄於斯志之後以為有功文獻者永垂紀念是為跋

中華民國二十一年双十節前李冠英謹跋